



Brev dato: 11-01-2022  
Sagsnr. 2022 - 25527  
Akt. nr. 22081900

Postboks 1614  
3900 Nuuk  
Tlf. (+299) 34 50 00  
E-mail: nap@nanoq.gl  
www.naalakkersuisut.gl

Inatsisartuni ilaasortaq,  
Mariane Paviassen, Inuit Ataqatigiit

## **Inatsisartut Suleriaasaanni §37 naapertorlugu Pituffik pillugu Naalakkersuisunut apeqqutaanut akissut.**

Asasarput Mariane Paviassen

Decembarip ulluisa 19-anni 2022 Pituffik pillugu Naalakkersuisunut apeqquteqaateqarputit.  
Apeqquteqaatit akissuteqarfigissavakka.

Apeqqutinnut akissuteqarnissami danskit naalagaaffiannit paasissutissanik aallerpugut.

### **1. Danskit naalagaaffiata Pituffiup atornerqarnera pissutigalugu ukiumut aningaasanik qassinik pissarsisarpa?**

Danskit naalagaaffiannit akissut: ”Illersornissamut isumaqatigiisummi 1951-meersumi (”Atlantikap Avannarpassissuani Isumaqatigiilluni Aalajangersagaq (NATO) Kunngaqarfik Danmarkimi aamma Amerikami Naalagaaffeqatigiit Kalaallit Nunaanni sakkutooqarneq pillugu isumaqatigiisutaat”) Immikkoortoq II, 3, b, Kunngaqarfiup Danmarkip USA-p naalagaaffianit USA-p Pituffiup/sakkutooqarfiup atorneranut taarsiiffigineqannginnerannut tunngasoq: ”*Kunngaqarfiup Danmarkip sakkutooqarfimmi namminersortuunerup annikillinagu, imaluunniit danskit oqartussa qarfiisa Kalaallit Nunaat tamaat killeqanngitsumik angallavigisinnaaneranut imminnut pisussaaffilernerat atuutsillugu, Kunngaqarfiup Danmarkip iluanaarutiginnigisaanik Amerikamiut Naalagaaffeqarfiisa sumiiffiup taama ittup, taavalu silaannaap eqqaanilu immap atorsinnaaneranut pisussaaffeqarput (...)*”

Akilerarnermut Ministereqarfiup aamma nalunaarutigaa danskit kalaallillu marloqiusamik akileraartarneq pillugu isumaqatigiisutaat (DBO) – Danmarkimi Kalaallillu Nunaanni akilerarusiinissamut pisinnaatitaaffeqarneq pillugu illugiittumik isumaqatigiisutaasoq – naatsorsuinerit aalajangersimasut malillugit, danskit Kalaallit Nunaannut sivikitsumik suliaartortunut imaluunniit danskit suliffeqarfiinut Danmarkimi akilerarusiinissamut pisinnaatitaaffeqarnini attatiinnassavigisumik Kalaallit Nunaanni sulisunut (sulinnigiffeqarani il.il. angalasunut) imaluunniit danskit suliffeqarfiinut qaammatit arfinillit ataallugit Kalaallit Nunaanni sanaartortunut, illuliortunut pisatsersuisunullu. Tamanna aamma illua tungaanut atuuppoq, kalaallit akileraartartut Danmarkimi sulissagunik, imaluunniit kalaallit suliffeqarfii Danmarkimi suliaqassagunik.

Erseqqissaatigineqarporlu, marloqiusamik akileraartarnissamut isumaqatigiissut immikkut isumaqatigiissutaammat, sakkutooqarfimmut toqqaannartumik attuumassuteqarani.”

**a. Naalagaaffik qanoq Pituffiup atorneqarnerata kingunerisaanik aningaasanik pissarsisarpa?**

Danskit naalagaaffiannit akissut: ”Qulaani allassimasoq takuuk.”

**b. Pituffiup sakkutooqarfittut atorneqarnera sunik naalagaaffimmut iluaquteqarpa?**

Danskit naalagaaffiannit akissut: ”Statement of improved cooperation in Greenland, including Pituffik (Thule Air Base)” oktobarip 28-ani 2020-meersoq – danskit kalaallit amerikamiullu ataatsimoorussamik kiffartuussinissamik isumaqatigiissutaat – aallaavigalugu kalaallit, amerikamiut atlantikulu illugiillugu Pituffiup atorneqarnera suleqatigiit akuersaarpaat. NATO-p USA-llu isumannaatsuunissamik qularnaveeqqutaa tamakkiisumik illersuinissamik taavalu europap atlantikullu akornanni illersuinissamik qularnaveeqqusiivoq. Pituffik pillugu Kunngearfiup USA-mik suleqateqarnera, NATO-mut amerikallu illersorneranut, taamatutaaq Danmarkip, Savalimmiut Kalaallillu Nunaata illersorneranut pitsaasutut nalilerneqarpoq. iluaqutaasutut nalilerneqarpoq, taamatutaaq amerikami illersornermut.”

Inussiarnersumik inuulluaqqusillunga  
Med venlig hilsen

  
Vivian Motzfeldt